

HEBDOMADA SANCTA

1. In hebdomada sancta Ecclesia salutis mysteria celebrat a Christo ultimis vitae suae diebus impleta, incipiens ab ipsius ingressu messianico in Ierusalem, usque ad eius beatam passionem et gloriosam resurrectionem.

Tempus quadragesimale usque ad feriam quintam protrahitur .

A Missa vespertina « in Cena Domini » incipit triduum paschale, quod pergit feria VI « in Passione Domini » et sabbato sancto, centrum suum habet in vigilia paschali et clauditur vesperis dominicae Resurrectionis.

Praestat ferias huius hebdomadae celebrationi paenitentiae dicari, a celebratione vero sacramentorum baptismi et confirmationis abstineri, utpote quae locum suum nativum in vigilia paschali inveniant.

2. Ritus hebdomadae sanctae, idest benedictio et processio palmarum repositio Ss.mi Sacramenti post Missam in Cena Domini, Actio liturgica feriae VI in Passione Domini et Vigilia paschalis, per se celebrari possunt in omnibus ecclesiis et oratoriis.

Expendit tamen ut in ecclesiis quae non sunt paroeciales et in oratoriis celebrentur tantummodo si digne peragi possunt, idest cum congruo numero ministrorum, cum facultate exsequendi saltem aliquas partes cum cantu, et cum sufficienti frequentia fidelium. Secus, expedit ut huiusmodi celebrationes in ecclesiis tantum paroecialibus aliisque ecclesiis maioribus persolvantur.

Curent animarum pastores sensum et structuram rituum horum dierum fideles sedulo edocere, eosque ad actuosam et fructuosam eorundem participationem manuducere.



**HOSANNA IN EXCELSIS:
BENEDICTUS QUI VENISTI
IN MULTITUDINE MISERICORDIÆ TUÆ**

HIEROSOLYMIS (IN SS.MO SEPULCRO)

20. *Rub.* DOMINICA IN PALMIS de Passione Domini.

Processio Palmarum et Missa stationalis Hora solaris 6.30

Processio quotidiana Hora solaris 16.00

BETHPHAGE

20. *Rub.* DOMINICA IN PALMIS. “**IN COMMEMORATIONE INGRESSUS DOMINI IN IERUSALEM**”, Tit. Eccl., *sollemnitas: omnia ut infra.*



Processio Palmarum

Hora 14.30

20. *Rub.* **DOMINICA IN PALMIS DE PASSIONE DOMINI**

✠ MISSA pr., *Credo*, PE cum pf. pr. huius dom.

Is 50, 4-7 Ps 21, 8-9.17-20.23-24 Phil 2, 6-11 Mt 26, 14 - 27,66.

Prohibentur aliae celebrationes necnon Missa exsequialis.

1. Dominica palmarum in passione Domini, qua Ecclesia mysterium Domini sui mortui, sepulti et resurgentis ingreditur, regalem Christi triumphum et eius passionis nuntium coniungit: uterque mysterii paschalis aspectus in catechesi huius diei exponatur.

2. Ingressus Domini in Ierusalem sollemni processione palmarum recolitur. Haec autem una semper sit, et ante Missam celebretur aut vespertinam sabbati aut ipsius diei dominicae aut vespertinam sabbati.

Collecta populi fiat in ecclesia minore aut alio loco apto extra ecclesiam, ad quam processio tendet. Fideles processionem participant cantando et ramos palmarum aut aliorum arborum manibus gestando. Idem faciant sacerdos eiusque ministri.

Rami autem eo benedicuntur, ut in processione deferantur, secundo vero ut, cum domi religiose servantur, in mentem revocent Christi victoriam processione huius diei celebratam.

3. Ad commemorandum Domini ingressum in Ierusalem, praeter processionem, Missale introitum sollemnem proponit, ibi adhibendum ubi processio extra ecclesiam fieri nequit, ante Missam principalem agendum, cum facultate illum iterandi ante aliam Missam quae cum magno populi concursu celebrari solet; et introitum simplicem, in ceteris Missis adhibendum .

4. Hac die paramenta adhibentur rubri coloris. In processione sacerdos pluviale vel casulam adhibere potest.

5. Post processionem vel introitum sollemnem, omittuntur signum crucis et actus paenitentialis vel aspersionis aquae benedictae initio Missae, et dicitur statim collecta. Missa deinde proseguitur more solito.

6. Ad bonum spirituale fidelium expedit historiam passionis integre legi, ceteris lectionibus quae passionem praecedunt minime omissis. Post passionem autem homilia, etsi brevis, habeatur.

7. Historia Passionis Domini legitur absque luminaribus et absque incenso, sine salutatione et signatione libri. Legitur autem a diacono vel, ipso deficiente, a sacerdote. Legi potest etiam a laicis lectoribus, parte Christi si fieri potest, sacerdoti reservata. Diaconi, non autem alii, ante lectionem Passionis, dicunt *Munda cor meum*, petunt benedictionem sacerdotis, uti alias ante Evangelium. In fine dicitur: *Verbum Domini*, sed osculum libri omittitur.

8. Ubi Missa celebrari nequit sacra habeatur verbi Dei celebratio de ingressu messianico et de passione Domini, vel sabbato horis vespertinis vel die dominica, hora opportuniore.

.....
.....



HIEROSOLYMIS

AD SACELLUM V STATIONIS

21. *Viol.*

Missae

Ab hora 06.00 usque ad horam 08.00

IN SS.MO SEPULCRO

Missa arabice (ad Calvarie locum)

Hora solaris 6.00

Missa sollemnis

Hora solaris 7.00

Processio quotidiana

Hora solaris 16.00

21. *Viol.* FERIA II HEBDOMADAE SANCTAE (II *Psalt.*).

MISSA pr., pf. II Pass.

Is 42, 1-7 Ps 26, 1-3.13-14 Io 12, 1-11.

Prohibentur aliae celebrationes, excepta Missa exsequiali.

.....



HIEROSOLYMIS

IN ECCLESIA FLAGELLATIONIS

22. *Viol.*

Feria III Hebdomadae Sanctae.

Missa cum cantu Passionis D.N.J.C.

Hora 07.30

IN SS.MO SEPULCRO

Missa cum cantu Passionis

Hora solaris 7.00

Processio quotidiana

Hora solaris 16.00

22. Viol. FERIA III HEBDOMADAE SANCTAE
(II Psalt.).

MISSA pr., pf. II Pass.

Is 49, 1-6 Ps 70, 1-6.15.17 Io 13, 21-33.36-38.

Prohibentur aliae celebrationes, excepta Missa exsequiali.

.....
.....



HIEROSOLYMIS

IN BASILICA GETHSEMANI

23. Viol. Feria IV Hebdomadae Sanctae.

Missa cum cantu Passionis D.N.J.C. Hora solaris 07.30

IN SS.MO SEPULCRO

Missa cum cantu Passionis et Processio

quotidiana Hora solaris 07.00

Expositio S. Columnae Flagellationis in Sacello

Apparitionis Hora solaris 09.00

Officium Tenebrarum Hora solaris 15.00

23. Viol. FERIA IV HEBDOMADAE SANCTAE
(II Psalt.).

MISSA pr., pf. II Pass.

Is 50, 4-9a Ps 68,8-10.21-22.31.33-34 Mt 26,14-25.

S.TURIBII DE MOGROVEJO E. memoria omittitur.

Prohibentur aliae celebrationes, excepta Missa exsequiali.

.....
.....

HIEROSOLYMIS

24. Feria V Hebdomadae Sanctae.


IN SS.MMO SEPULCRO

Missa in Coena Domini et Processio Ss. mi Sacramenti

Hora solaris 7.30

Adoratio Ss.mi Sacramenti et Officium Hora solaris 13.45

**AD SS.MUM DOM.NI COENACULUM IN MONTE SION et ad
Ecclesiam S. Iacobi Ap. et S. Marci:**



Peregrinatio

Hora 15.45

Io 13, 1-15; Mt 26, 26-29.

IN BASILICA GETHSEMANI


Hora Sancta

Hora 20.00

Mt 26, 30-56 Mc 14, 26-52 Lc 22, 31-37.39-54.

24. Alb. FERIA V HEBDOMADAE SANCTAE (II Psalt.). Ad Off. lect. sumi potest Ps. 68 *Salvum me fac, Deus cum suis ant.* (e feria VI hebd. III).

1. Hodie permittuntur tantum Missa chrismatis et Missa in Cena Domini. Prohibentur omnes Missae sine populo necnon Missae exsequiales.

2. Sacra communio fidelibus distribui potest tantummodo infra Missam chrismatis et Missam in Cena Domini. Qui tamen mane communicaverunt, iterum Eucharistiam in Missa in Cena Domini sumere possunt.

Infirmis vero communio deferri potest quacumque dei hora.

HORIS MATUTINIS:

Alb. MISSA CHRISMATIS *Gloria*, PE cum pf. pr. huius Missae.

Is 61, 1-3a.6a.8b-9 Ps 88, 21-22.25.27 Ap 1, 5-8 Lc 4, 16-21.

1. Missa chrismatis, quam episcopus cum suo presbyterio concelebrat, et in qua olea sacra benedicuntur, est velut manifestatio communionis presbyterorum cum proprio episcopo.

Ad hanc enim Missam congregantur et in ea concelebrant presbyteri, e diversis dioecesis regionibus convenientes, quippe in conficiendo chrismate testes et cooperatores sui Episcopi, cuius sacri muneris in populo Dei exstruendo, sanctificando et regendo sunt participes; sicque nitide manifestatur unitas sacerdotii et sacrificii Christi in Ecclesia perseverantis.

Fideles quoque frequentiores participant, et in hac Missa Eucharistiam sumant.

2. Nova olea benedicta honorifice deferantur ad ecclesias paroeciales; vetera comburantur vel in lampadem SS. Sacramenti iniciantur.

Receptio sacrorum oleorum opportune peragatur ante Missam in Cena Domini aut alio tempore magis opportuno: doceantur tamen fideles de eorum usu eorumque efficacia in vita christiana.

N.B. Si hoc die clerus et populus difficilius congregari possunt cum Episcopo, benedictio oleorum anticipari potest alio die, sed prope Pascha, Missa propria semper adhibita (*Ordo bened. Oleorum*, n. 10).

.....

TRIDUUM PASCHALE

Cum humanae redemptionis et perfectae Dei glorificationis opus adimpleverit Christus praecipue per suum paschale mysterium, quo mortem nostram moriendo destruxit et vitam resurgendo reparavit, sacrum paschale triduum Passionis et Resurrectionis Domini uti totius anni liturgici culmen effulget (AC 18).

1. Tridui paschalis, idest Sponsi sui mortui, sepulti et suscitati, celebratione Ecclesia intendit mysterium Paschatis, seu transitum Domini ex hoc mundo ad Patrem, praesens reddere et implere.

Iuxta Ecclesiae primaevae traditionem, sacrum esto ieiunium paschale, feria VI in passione Domini ubique celebrandum et, iuxta opportunitatem, etiam sabbato sancto producendum, ita ut, elato et aperto animo, ad gaudia dominicae Resurrectionis perveniatur (SC, 110).

2. Celebrationes tridui sacri ibi tantum peragantur, ubi digne et decore persolvi possint (cf. supra, p. 67, n. 2).

Praestat proinde ut parvae communitates religiosas ad celebrationes convenient in ecclesiis maioribus, fidelium participationem fovendo. Item fideles e pluribus paroeciis minoribus unius presbyteri curis commissi, quantum fieri potest, ad ecclesiam principalem regionis convenient sacris actionibus participaturi.

Sicubi vero uni parrocho duarum vel plurium paroeciarum cura sit commissa, in quibus fideles frequentiores participant et in quibus sacrae celebrationes digne et sollemniter persolvi possunt, eidem parrocho facultas fit celebrationes tridui sacri iterandi, servatis de cetero normis statutis.

3. Valde commendatur communis celebratio Officii lectionum et Laudum feria VI in passione Domini et sabbato sancto: hac ratione communitas christiana passionem efficacius et plenius meditatur, nuntium resurrectionis exspectans.



24. Alb. FERIA V IN CENA DOMINI

HORIS VESPERTINIS:

MISSA IN CENA DOMINI pr., *Gloria*, PE cum pf. et partibus pr. huius diei.

Ex 12, 1-8.11-14 Ps 115, 12-13.15-18 1Cor 11, 23-26
Io 13, 1-15.

1. Hac Missa, quae horis vespertinis feriae V hebdomadae sanctae celebratur, Ecclesia incipit sacrum Triduum paschale, et studet cenam illam novissimam recolere, qua Dominus Iesus, in qua nocte tradebatur, suos qui erant in mundo usque ad finem diligens, Corpus et Sanguinem suum sub speciebus panis et vini Deo obtulit ac sub earundem rerum symbolis Apostolis, ut sumerent, tradidit, et eisdem eorumque in sacerdotio successoribus, ut offerent, praecepit.

Animorum attentio, per homiliam praesertim, ad mysteria convertatur quae in hac Missa commemorantur, quae sunt Eucharistiae et Ordinis sacerdotalis institutio necnon mandatum Domini de caritate fraterna.

2. Missa in cena Domini celebranda est vespere, hora magis opportuna, cum plena participatione totius communitatis localis.

Presbyteri qui in Missa chrismatis iam concelebraverint, vel aliam Missam in bonum fidelium celebrare teneantur, etiam in hac Missa concelebrare possunt.

Iuxta antiquissimam Ecclesiae traditionem, Missae sine populo prohibentur.

3. Ubi ratio pastoralis id postulet, loci Ordinarius alteram Missam in ecclesiis et oratoriis permittere poterit, horis vespertinis celebrandam, et, in casu verae necessitatis, etiam horis matutinis, sed tantummodo pro fidelibus qui nullo modo Missam vespertinam participare valent. Caveatur proinde ne huiusmodi celebratio in bonum privatorum fiat et ne praeiudicio sit Missae vespertinae principali.

4. Tabernaculum vacuum sit; pro communione cleri et populi hodie et crastina die hostiae consecrentur in hac Missa .

5. Ad Eucharistiam pro communione diei sequentis asservendam sacellum convenienter ornatur, in quo oratio et meditatio foveantur; valde tamen commendatur severitas quae liturgiae horum dierum convenit.

Si Sacramentum de more in sacello asservatur ab ecclesiae navi centrali separato, locum repositionis et adorationis in ipso sacello convenienter paretur.

Sacramentum tamen in tabernaculo clauso custodiatur, expositione in ostensorio omnino exclusa. Tabernaculum insuper speciem sepulchri minime prae se ferat; immo vox ipsa « sepulchrum » vitetur: sacellum enim repositionis non vult sepulturam Domini repraesentare, sed tantummodo ad Sacramentum pro communione diei sequentis asservandum destinatur.

6. Dum cantatur *Gloria* pulsantur campanae, eoque expleto, silent usque ad Vigiliam paschalem, nisi Conferentia Episcoporum vel Episcopus dioecesis, pro opportunitate, aliud statuerit .

7. Lotio pedum, quae secundum traditionem huius diei fit quibusdam viris selectis, servitium et caritatem Christi manifestat, qui venit non ministrari, sed ministrare. Praestat hanc traditionem servari et genuino ipsius sensu explanari.

8. In processione donorum convenienter afferuntur etiam dona pro pauperibus, ea praesertim quae tempore Quadragesimae, tamquam paenitentiae fructus, collecta sunt. Interim canitur hymnus *Ubi caritas*.

9. Expleta oratione post communionem, processio instruitur per ecclesiam cum incenso et luminaribus, qua Eucharistia ad sacellum repositionis deportatur.

10. Expleta celebratione huius diei, altare privatim denudatur et auferuntur, si fieri potest, cruces ab ecclesia. Expedit ut cruces, quae forte in ecclesia remanent, velentur, nisi iam velatae sint ex praescripto Conferentiae Episcoporum (cf. p. 79).

11. Moneantur fideles, ut per congruum noctis tempus, secundum locorum et rerum adiuncta, adorationem peragant coram Ss.mo Sacramento asservato, attamen post mediam noctem haec adoratio absque sollemnitate fiat.

12. Processio et repositio Sacramenti ne fiant in ecclesiis, in quibus actio liturgica in Passione Domini sequenti feria VI non celebrabitur.

Viol. VESPERAE ab iis, qui Missae vespertinae intersunt, non dicuntur.— Cp. post II Vp. dom.

Feria VI in Passione Domini dies est paenitentiae in universa Ecclesia, ieiunio et carnis comestione abstinentia peragenda (cf. p. 22).

Sollemnitatis Annuntiationis Domini, ob occurrenceam cum Hebdomada sancta, transfertur in feriam II post dominicam in albis, diem 4 aprilis.



HIEROSOLYMIS

25. *Rub.* Feria VI Hebdomadae Sanctae.

IN SS.MO SEPULCRO

Celebratio Passionis Domini

Hora solaris 7.00

Officium

Hora solaris 15.00

Processio funerea

Hora solaris 19.10



VIA CRUCIS

Hora solaris 10.30



25. *Rub.* **FERIA VI IN PASSIONE DOMINI**

Officium divinum cum peculiaritatibus in Proprio indicatis.

Valde convenit ut Off. lect. et Ld sollemniter cum populo celebrentur (IH 210).

CELEBRATIO PASSIONIS DOMINI, ut in Missali.

Is 52, 13 - 53, 12 Ps 30, 2.6.12-13.15-17.25 Hebr 4, 14-16; 5, 7-9 Io 18, 1 - 19, 42.

1. Hac die, qua Pascha nostrum immolatus est Christus, crucem Domini et Sponsi sui intuens et adorans, Ecclesia suum ortum commemorat e latere Christi in cruce dormientis, et pro totius mundi salute intercedit.

2. Iuxta antiquissimam traditionem, Ecclesia hac die Eucharistiam non celebrat.

Sacra communio fidelibus distribuitur unice inter celebrationem Passionis Domini; infirmis autem, qui hanc celebrationem participare nequeunt, quacumque diei hora deferri.

3. Sacramentorum celebratio, praeter quam Paenitentiae et Unctionis infirmorum, hac die ne habeatur. Exsequiae autem sine cantu et absque organi et campanarum sonu peragantur.

4. Celebratio Passionis Domini agenda est horis postmeridianis, et quidem circa horam tertiam; si vero ratio pastoralis id suadet, aptior hora seligi potest ab hora duodecima, sed non ultra horam nonam postmeridianam.

5. Tota actio liturgica iuxta ea, quae in libris liturgicis describuntur, peragatur. Nemo autem mutationes proprio Marte in illam inducat.

6. Altare nudum sit: sine tobaleis, sine cruce, sine candelabris.

7. Pro lectione passionis Domini, cf. ea quae in dominica palmarum dicta sunt (cf. pp. 88, n.7).

8. Crux quae populo ostenditur et adoranda praebetur sat magna sit et eleganti manu sculpta. Formula autem ad crucem ostendendam et responsio populi cantu proferatur. Unica tantum crux, ratione veritatis signi, adorationi praebetur; provideatur tamen ut singuli fideles crucem adorare possint: quod magni momenti est in celebratione huius diei. Ritus proinde in quo crux ab omnibus una simul silentio adoratur, adhibeatur tantummodo si fideles vere numerosiores celebrationem participant.

9. Post celebrationem Passionis Domini Ss.ma Eucharistia reportatur, forma simplici, ad locum asservationis, et ibidem custoditur, lampade de more accensa. Et privatim denudatur altare, relictis tamen cruce et candelabris.

Praestat locum aptum parari (v. gr. sacellum in quo respositio et adoratio Sacramenti die praecedenti facta est) et orationi et meditationi congruum, in quo crux deponatur a fidelibus adoranda.

10. Magni fiant etiam pia populi pietatis exercitia, quae momentum pastorale prae se ferunt, v. gr. « *Va crucis* », processiones de passione Domini, memoria dolorum B.M.V.

Eorum textus et cantus cum liturgia congruant, immo ipsam participandam fideles inducant.

Dies pro Locis Sanctis

«**In omnibus templis et oratoriis, clero sive diocesano sive religioso concreditis, semel in anno – feria VI Heptomadae Sanctae vel alia ab Ordinario loci desingata die – praeter peculiare preces pro fratribus nostris Terrae Sanctae fidelibus effundendas, stipis etiam collatio fiat, iisdem destinandae.** Congruum ante tempus, certiores fideles fiant eiusmodi stipem non solum ad Loca Sancta tuenda impensum iri, sed etiam ad ea praecipue fovenda pastoralis, subsidiarii, institutorii et socialis opera, quae Catholica Ecclesia in Terra Sanctae regionibus alit pro christianis fratribus ceterisque incolis locis» (Adhortatio Apostolica «*Nobis in animo*», diei 25 martii 1974).

VESPERAE ab iis, qui celebrationi Passionis Domini interfuerunt, non dicuntur.

Cp. post II Vp. dom.

.....

HIEROSOLYMIS. IN SS.MO SEPULCRO

26. *Alb.* Sabbato Sancto.

Vigilia paschalis

Ingressus simplex

Hora solaris 6.30

Hora solaris 14.15



Processio sollemnis

Hora solaris 14.30

Vesperae

Hora solaris 17.00

Liturgia Horarum ante Aediculam

Hora solaris 10.30

26. *Viol.* SABBATO SANCTO

Officium proprium.

Valde convenit ut Off. lect. et Laudes sollemniter cum populo celebrentur (IH 210).

Cp. omittitur ab iis qui Vigiliae pasch. intersunt.

1. Sabbato sancto Ecclesia ad sepulchrum Domini immoratur, passionem eius et mortem necnon descensum ad inferos meditando, eius resurrectionem ieiunio et oratione expectando.

2. Si celebratio Officii lectionis et Laudum cum populi participatione fieri non potest, sacra habeatur verbi Dei celebratio aut aliud pium exercitium mysterio huius diei respondens, praesertim in onorem B.M.V. Filii sui passioni sociatae.

3. Fidelium venerationi in ecclesia proponi potest imago Christi crucifixi aut in sepulchro depositi, aut imago eius descensus ad inferos, quae mysterium Sabbati sancti illustret, aut demum imago B. Virginis perdolentis.

4. Hac die Ecclesia ab Eucharistiae celebratione omnino abstinet. Sacra communio solummodo ad modum viatici dari potest. Matrimonii aliorumque sacramentorum, praeter quam Paenitentiae et Unctionis infirmorum, celebratio ne habeatur.

5. Fideles de peculiari natura huius diei erudiantur. Celebritates vero festivae, quae cum Paschae celebratione sabbato sancto olim anticipata conectebantur, nocti et diei Paschatis reserventur.

.....

.....